

知不足齋

知不足齋叢書

第十集

續孟子 二卷

仲蒙子 三卷

麟角集 一卷

蘭亭考 十二卷 附羣公帖跋一卷

蘭亭續考 二卷

石刻鋪敘 二卷

江西詩社宗派圖錄 一卷 附江西詩派小序一

萬柳溪邊舊話 一卷

續

孟子

子

續孟子序

自文中子有續經書唐水部郎林虔中亦有續孟子然
續經竟無傳者郊時之責而續孟今行於世者有名孫
元復焉七篇之書先儒謂最有功於聖門而溫國文正
公乃作疑孟至謂瞽瞍殺人非孟子之言韓昌黎固嘗
謂軻之書非自著其徒萬章公孫丑相與記軻所言程
子遂以瞽象之事乃萬章傳聞之誤耳續孟之作又豈
非以阮逸所謂萬章公孫丑不能極師之奧盡錄其言
故孟氏章句略而多闕今觀水部公出其仁義之言

而善於敷演亦長於譬喻如曰堯之比屋可封不有四
凶乎紂之比屋可誅不有三仁乎以其大而舉之不以
其小而廢之斯言蓋得之矣不寧惟是孟子言必及仁
義公之治邑民懷其惠臨難不求苟免仁之至義之盡
可謂善學孟子者矣克齋林公稱爲吾閩千載不朽之
士豈吾欺哉咸淳癸酉上春莆田劉希仁書

續孟二卷唐林公慎思所作其書列於唐藝文志宋崇
文總目夫以孟子才號亞聖書次六經自司馬遷揚雄
韓愈之徒尊信篤好以爲大有功於聖門至司馬光李

觀輩乃著書譏毀學者固自有次第哉二書免於世俗
之見亦幸矣夫然二書文深義密諄切反覆不悖於聖
人之道誠有補於世教也公字虔中福州長樂人兄弟
五人同讀書於稠巖山之石室公中咸通十年第又中
宏詞拔萃科賜其鄉曰芳桂里曰大宏由祕書省校書
郎至尙書水部郎中黃巢犯長安罵賊而死蓋賢者也
其幾世孫崇萬來京師求予序之崇萬今爲浮圖氏云
延祐改元四月晦程鉅夫序

堯舜周孔之道至孟軻斬焉不傳仲蒙子作書續孟此

其自任者豈淺淺也然生值唐亂官不過令長才志不見知於時斥罵逆巢抗首白刃孟氏可作顧不謂之豪傑大丈夫哉所恨事不載史徒得故老傳說四五百年不休續孟仲蒙子卷目雖具藝文志今世所傳者殆放失其本真矣史書果可盡信哉可傳者不錄所錄者又將泯泯而無傳仲蒙子何爲其生死不遇也哉元統三年南康曹侯明源來宰長樂始訪其子孫於稠巖之野爲之築室立祠表其大節而暴之天下耳目是不惟以昭忠烈正人倫亦使時俗知爲善之可願雖掩抑百年

猶遇仁賢君子以傳其名也余旣悲仲蒙之志又嘉曹
侯之爲政能有所建明故爲之敘贊以見有善者名無
不聞而循吏之化民成俗固自有道也贊曰唐室不競
以利稗政上替下陵用勦民命維閩仲蒙抗志續孟昌
言仁義以藥時病不能者天出宰萬年巢賊稱帝萬乘
南遷百僚鼠竄比肩從叛一人抗節羣醜駭亂蒙死則
那偷生幾何較其短長得喪孰多夫旣殞身遑恤厥名
紀錄失官惟國無人邑老相傳彌遠彌在將五百年始
遇賢宰賢宰爲誰明源曹公美俗旌賢不泥簿文躬駕

之野訪求後昆樹祠學官風於四遠匪私伸蒙忠義是
勸稠巖之陰青青楓林胡晦於昔而白於今我師子輿
好善是喜勒辭巖石彰其德美三山吳鑑明之敘

孟子稱能言距楊墨者聖人之徒也夫能言未必能行
孟子直以聖人之徒與之不已過乎言者旣與則行者
可知也伸蒙子續孟之作將以言詔天下者也余謂伸
蒙方著書時未必先知其身之死於賊伸蒙旣以義死
續孟雖不作可也書之存亾史之得失又焉能爲伸蒙
子之有無立祠表義伸蒙亦何心之有抑人心之所以

不死者其在是乎三山陳英觀敘

孟子談仁義數萬言一以正人心爲己任伸蒙子續孟
其有孟氏之志乎哉然伸蒙處黃巢之亂以萬年令罵
賊死官方其罵賊豈不知其必死哉義在于死而不利
于苟生也質之孟氏非所謂真知義利之辨者哉漢揚
雄擬論語作法言旣而倍漢仕莽是雄非特漢罪人固
聖門之罪人也卽雄而視伸蒙子豈可同日而語哉昔
朱文公作通鑑綱目書雄爲新莽大夫今南康曹侯築
室以祀伸蒙曹侯之心卽文公之心者也噫使天下邑

宰皆如曹之用心世道其不復古乎永陽黃堯臣跋

續孟子序

唐尙書水部郎中長樂林慎思虔中

孟子書先自其徒記言而著予所以復著者蓋以孟子久行教化言不在其徒盡矣故演作續孟

篇目

梁大夫一

梁襄王二

樂正子三

公都子四

高子五

公孫丑六

屋廬子七

咸丘蒙八

齊宣王九

萬章十

宋臣十一

莊暴十二

彭更十三

陳臻十四

本朝歐陽脩崇文總目云續孟子二卷唐林慎思
撰慎思以謂孟子七篇非軻自著書而弟子其記
其言不能盡軻意因傳其說演而續之

伸蒙續孟子卷上

枚菴漫士古歡堂祕冊

梁大夫一

梁大夫見孟子問曰吾聞夫子教王遠利而易以仁義
有諸孟子曰然大夫曰吾家有民見凍飢於路者非其
親而救之脫衣以衣之輟食以食之及己凍飢幾死是
其親而不救之而何孟子曰噫是大夫從王厚利而薄
仁義故也厚利率民民爭貪欲苟有獨持仁義者宜乎
不得全其身矣昔楚有靳氏父子相傳以醢鵠醉人者
客過其門則飲之未嘗不斃於路矣卒有孺子能哀客

而告之然後鳩十九不行焉泊斬氏怒反鳩孺子矣然而斬氏家習不仁也孺子身盜爲仁矣一身盜爲仁而罪一家習不仁其家孰容乎今大夫有仁能救民之凍飢也是謂身盜爲仁矣及己之凍餓不得人之救者豈非其家不容乎大夫苟能與王移厚利之心而在仁義移薄仁義之心而在利則上下移矣然後仁義非盜而有也欲人不容其可得乎故易曰立人之道曰仁與義

梁襄王二

梁襄王使人求於孟子孟子再往襄王儀服不整而見